



GRIJANJE

Javno preduzeće "Grijanje" d.o.o. Zenica, Bilmišće br.107, 72 000 Zenica
telefon +387 32 423 097, fax +387 32 423 099
www.grijanjezenica.ba

Na osnovu člana 70., 71. i 88. Zakona o javnim nabavkama („Službeni glasnik BiH“ broj 39/14), člana 37. i 38. Statuta Javnog preduzeća „Grijanje“ d.o.o. Zenica, na preporuku Komisije za nabavke, broj: 15290/21 od 19.11.2021. godine, Uprava Javnog preduzeća „Grijanje“ d.o.o. Zenica, donosi:

O D L U K U

o izboru najpovoljnijeg ponuđača

I.

Privredno društvo „ARAL“ d.o.o. Zenica, sa sjedištem u Zenici, ul. Bilmišće br. 67, 72000 Zenica, bira se za najpovoljnijeg ponuđača u postupku nabavke robe – **Radijatorski ventili, termometri, manometri i sitni materijal**, putem konkurentskog zahtjeva za dostavljanje ponuda, Obavještenje o nabavci broj: 1091-7-1-547-3-40/21 od 21.10.2021. godine .

II.

Obavezuje se odabrani ponuđač iz tačke I. ove odluke, da dostavi dokaze o ispunjavanju uslova lične sposobnosti iz tačke 5.1. Tenderske dokumentacije u roku od **5 (pet) dana** od dana prijema ove odluke.

Nakon ispunjenja uslova iz stava 1. ove tačke, odabranom ponuđaču bit će ponuđen Okvirni sporazum za nabavku Radijatorskih ventila, termometara, manometara i sitnog materijala najkasnije u roku od **10 (deset) dana** od dana prijema ove odluke.

III.

Ova odluka objavit će se na web stranici Javnog preduzeća „Grijanje“ d.o.o. Zenica.

O b r a z l o ž e n j e

Na osnovu Plana nabavki Javnog preduzeća „Grijanje“ d.o.o. Zenica za 2021. godinu, broj: 680/21. od 15.01.2021. godine i Odluke o pokretanju postupka javne nabavke Uprave Javnog preduzeća „Grijanje“ d.o.o. Zenica, broj: 13625/21 od 19.10.2021. godine, sačinjena je tenderska dokumentacija za nabavku robe- Radijatorski ventili, termometri, manometri i sitni materijal, putem konkurentskog zahtjeva za dostavljanje ponuda, procijenjene vrijednosti do 49.999,99 KM.

Na osnovu Obavještenja o nabavci broj: 1091-7-1-547-3-40/21, objavljenog na „Portal javnih nabavki: ejn.gov.ba“, dana 21.10.2021. godine, ponude je blagovremeno dostavilo 5 (pet) ponuđača i to: 1. „TOPLOTA“ d.o.o. Zenica, ul. ZAVNOBiH-a br. 76, 72000 Zenica, sa ponuđenom cijenom od 50.000,00 KM bez PDV-a, 2. „GRUNT INVEST“ d.o.o. Zenica, ul. Odmut br. 11, 72000 Zenica, sa ponuđenom cijenom od 49.605,60 KM bez PDV-a, 3. „BRAĆA KARIĆ“ d.o.o. Zenica, Zmaja od Bosne b.b., 72000 Zenica, sa ponuđenom cijenom od 49.998,50 KM bez PDV-a, 4. „ARAL“ d.o.o. Zenica, ul. Bilmišće br. 67, 72000 Zenica, sa ponuđenom cijenom od 49.949,65 KM bez PDV-a i 5. „COSPEX“ d.o.o. Zenica, ul. Sarajevska br. 314, 72000 Zenica, sa ponuđenom cijenom od 49.580,00 KM bez PDV-a.

Provjerom prihvatljivosti dostavljenih ponuda, prema zahtjevu ugovornog organa iz tenderske dokumentacije, utvrđeno je da ponuđač „TOPLOTA“ d.o.o. Zenica, u Obrascu za cijenu ponude-Prilog II, nije popunio kolonu 3. „Naziv proizvođača“ pod rednim brojevima: 6., 7., 8., te 11. do 24., a što je bio dužan u skladu sa zahtjevima iz tenderske dokumentacije, a također je u Obrascu za cijenu ponude – Prilog II, ponudio tip radijatorskog ventila za regulaciju ogrijevniha tijela sa prednamještanjem koji ne odgovara zahtjevima iz Obrasca za cijenu ponude u pogledu traženih dimenzija, zbog čega je njegova ponuda neprihvatljiva, te isti ponuđač nije ostvario pravo učešće u daljnjem postupku javne nabavke.

Kako je tenderskom dokumentacijom predviđeno provođenje e-aukcije, zakazana je e-aukcija. Nakon završene e-aukcije, sačinjena je rang lista prihvatljivih ponuda ponuđača bez obračunatog PDV-a, kako slijedi: 1. „ARAL“ d.o.o. Zenica sa ponuđenom cijenom od 43.700,00 KM, 2. „GRUNT Invest“ d.o.o. Zenica, sa ponuđenom cijenom od 43.750,00 KM, 3. „COSPEX“ d.o.o. Zenica, sa ponuđenom cijenom od 48.600,00 KM, 4. „BRAČA KARIĆ“ d.o.o. Zenica sa ponuđenom cijenom od 49.998,50 KM.

Uzimajući u obzir da je kriterij za odabir najpovoljnije ponude najniža cijena, Komisija za nabavke dala je preporuku Ugovornom organu da u skladu sa članom 69. stav (1), tačka a), te člana 70. stav (3) Zakona o javnim nabavkama (Službeni glasnik BIH broj: 39/14), donese Odluku o izboru najpovoljnijeg ponuđača, te da odabranom ponuđaču „ARAL“ d.o.o. Zenica, ul. Bilmišće br. 67, 72000 Zenica, kao najpovoljnijem ponuđaču za predmetnu nabavku, ponudi zaključenje Okvirnog sporazuma za nabavku radijatorskih ventila, termometara, manometara i sitnog materijala za potrebe Javnog preduzeća „Grijanje“ d.o.o. Zenica.

U vezi naprijed navedenog, donesena je odluka kao u izreci.

Pravna pouka: Protiv ove odluke može se izjaviti žalba ugovornom organu u roku od **5 (pet)** dana od dana prijema iste.

Broj: 15376 /21

Zenica, 22.11.2021.godine



Direktor


Drino Valdet

Dostaviti:

- Ponuđač – putem mail adrese
- 1 x Uprava preduzeća
- 1 x Arhiva javnih nabavki